

卷集解

凌儀王應麟伯厚甫

大戴禮

踐阼篇

黃氏曰此書世人罕有知者東坡先生授余因曰自典謨訓誥之後維此書可以繼之朱氏曰武王踐阼之初受師尚父丹書之戒退而於其几席觴豆刀劍戶牖莫不銘焉今其遺語尚幸頗見於禮書願治之君志學之士皆不可以莫之考也武王踐阼三日

踐阼

盧氏曰既王之後皇極經世已卯周武王伐商敗之于牧野還歸在豐踐天子位通鑑外紀武王元呂氏曰踐履也阼東階也真氏曰阼者君之階故人君即位謂之踐阼

召大夫士而問焉曰惡有藏之約行之行萬世可以為子孫恒者乎惡音烏恒胡登反為子孫恒者

盧氏曰惡猶於何也言於何有約言而行之乃行萬世而猶得其福愚謂守約而施博者善道也傳之萬世可以為子孫常法說文恒常也

伯厚對曰未得聞也然後召師尚父而問焉曰黃

帝踐阼之道存乎意亦忽不可得見與音專項

朱氏曰師尚父太公望為太師而號尚父也音尚五帝德孔子曰黃帝少典之子也曰軒轅顓頊黃帝之孫昌意之子也曰高陽盧氏曰言忽然謂不可得見孔氏曰其道超忽已遠亦恍惚不可得見與與語辭

師尚父曰在丹書王欲聞之則齊矣三日王端冕師尚父亦端冕奉書而入負屏而立齊側一作屏卑

踐阼

盧氏曰端正也樹謂之屏孔氏曰端冕謂衮冕也其衣正幅與玄端同故云端冕凡冕服其制皆

之樹注小牆當門中疏曰屏蔽也天子外屏王下堂南面而立師尚父曰先王之道不北面

學記大學之禮雖詔於天子無北面所以尊師也

王行西折而南東面而立師尚父西面道書之言曰

敬勝怠者吉怠勝敬者滅義勝欲者從欲勝義者凶



皇氏曰王在賓位師尚父在主位此王廷之位若尋常師徒之教則師東面弟子西面與此異也真氏曰武王之始克商也訪洪範於箕子其始踐詐也又訪丹書於太公可謂急於問道者矣而太公望所告不出敬與義之二言蓋敬則萬善俱立怠則萬善俱廢義則理爲之主欲則物爲之主吉凶存亡之所由分上古聖人已致謹於此矣武王聞之惕若戒懼而銘之器物以自警焉蓋恐斯須不存而怠與欲得乘其隙也其後孔子贊易於坤之六二曰敬以直內義以方外先儒釋之曰敬立

敬作

主

克

而內直義形而外方蓋敬則此心無私邪之累內之所以直也義則事事物物各當其分外之所以方也自黃帝而武王自武王而孔子其皆一道與程氏曰敬義夾持直上達天德自此朱氏曰敬便堅立怠便放倒以理從事是義不以理從事是欲敬義是體用與坤卦說同太公金匱曰武王問師尚父曰五帝之戒可得聞乎師尚父曰黃帝居民上惴惴若臨深淵舜居民上矜矜如履薄冰禹居民上慄慄如不滿日湯居民上翼翼乎懼不敢怠敬勝怠則吉義勝欲則昌日慎一日壽終

鉅九六韜明傳篇義勝欲則昌欲勝義則亡欲勝怠則吉怠勝敬則滅怠勝敬則滅怠勝敬則滅怠勝敬則滅

凡事不强則枉弗敬則不正枉者滅廢敬者萬世

盧氏曰凡事不能自強則枉也朱氏曰強者以

力自矯之謂若徇其所徧不自矯揉則終於枉而

已丹書三

藏之約之行可以爲子孫恒者此言之謂也

盧氏曰問先帝之道庶聞要約之旨故對此而已

敬作

中

且臣聞之以仁得之以仁守之其量百世以不仁得之以仁守之其量十方以不仁得之以不仁守之必

及其世尚書帝命作不與其世通鑑

盧氏曰得之守之皆謂創基之君及其世謂止於

其身也愚謂孟子言師道之傳太公望見而知

之於此可攷必及其世秦隋是也

土聞書之言惕若恐懼退而爲戒書於席之四端爲

銘焉於几爲銘焉於鑑爲銘焉於盤爲銘焉於櫛

爲銘焉於杖爲銘焉於帶爲銘焉於履履爲銘焉於

賜豆銘焉於戶爲銘焉於牖爲銘焉於劍爲銘焉



於弓為銘焉於矛為銘焉洗也樂薄官反亦從血學記正義作揚

盧氏曰託於物以自警戒也朱氏曰銘名其器

以自警之辭也武王諸銘有切題者如鑑銘是也

亦有不可曉者想古人述戒懼之意而隨所在寫

記以自警者爾不似今人區區就一物上說蔡

邕銘論曰武王踐阼咨于太師作席几櫪杖器械

之銘十有八章鄧析子曰武有戒慎之銘

席前左端之銘曰安樂必敬

盧氏曰安不忘危魏氏曰安樂必敬為銘之首

敬者所以主此心而根萬善也

前右端之銘曰無行可悔

盧氏曰當恭敬朝夕故以懷安為悔也

後左端之銘曰一反一側亦不可以忘作以忘

盧氏曰言雖反側之間不可以忘道也

後右端之銘曰所監不遠視爾所代作爾

盧氏曰周監不遠近在有殷之世真氏曰爾武

王自謂也代謂周代商安樂則易怠怠則必有悔

故孟子謂生於憂患而死於逸樂當寢而安逸欲

易作一反一側敬不可忘淫戲自絕視彼殷商銘

庶四端為心之防

凡之銘曰皇皇惟敬口口生敬口生咎口戕口

敬三字

盧氏曰咎恥也言為君子榮辱之主可不慎乎咎

咎咎也口戕口言口能害口也机者人君出令所

依故也太公金匱武王曰吾欲造

起居之誠隨之以身凡之書曰安無忘危存無忘

亡孰惟二者必後無凶

鑑之銘曰見爾前慮爾後

真氏曰鑑雖甚明見面而不見背猶吾一心有所

踐

明亦有所蔽惠常伏於照察所不及過常生於意

慮所不周故雖聖人懷乎隱憂太公陰謀武王

鏡銘曰以鏡自照者見形容以人自照者見吉凶

盟槃之銘曰與其溺於人也寧溺於淵溺於淵猶可

將也溺於人不可救也作救

盧氏曰日知所亡學者之功溺於民庶大人之禍

故或以自新取戒或以游溺為鑑也朱氏曰注

云自新取戒蓋指湯之盤銘而言也盟盤銘因水

起意真氏曰盟冰之槃朝夕自潔因而為銘與

湯一轍溺人淵淵因水生戒蓋溺於深淵者猶可



以浮游而出一為姦邪小人所惑則陷於危亡而不自知故不可救恤夫壬人所以陷溺其君者千智百態使吾沉迷於旨酒厚味顛倒於豔色淫聲方恬安而莫覺倏禍患之遄興斯其為患詎止於溺淵而已乎

楹之銘曰母曰胡殘其禍將然母曰胡害其禍將大

母曰胡傷其禍將長

母音無猶今

盧氏曰夫為室者慎其楹君天下者難其相也

朱氏曰此亦泛言未必指楹為相也真氏曰殘害也斯銘凡三反復蓋人情每忽於竊微而禍亂

踐阼

七

常生於隱伏銘之於楹朝夕見之以敬以戒保於未危

救之銘曰惡乎危於忽寔惡乎失道於嗜欲惡乎相

忘於富貴

總音烏一作

盧氏曰惡乎何也忽者危之道忽甲及乙又危之

甚杖故以危戒也杖依道而行之言身杖相資也

因失道相忘乃嗜欲安樂之戒也真氏曰忽寔

怒也大易所貴懲忿窒欲逞忿者有危身之憂縱

欲者有失道之辱杖之為物于以自扶操之則安

全有賴舍之則顛踣可虞富貴奢淫易忘兢畏於

杖為銘是或此義太公金匱杖之書曰輔人無苟扶人無咎

一作

帶之銘曰火滅修容慎戒必恭恭則壽

一作恭

盧氏曰雖夜解息其容不可以苟帶於寐先釋故

因言之也朱氏曰恭主容敬主事恭見於外敬

主乎中愚謂非禮勿動聞不欺也莊敬日強壽

之基也太公陰謀武王衣之銘曰桑扈女工

難得新指故後必寒

履履之銘曰慎之勞勞則富

盧氏曰行慎勞勞終福論慎履亦財不費也

小

履在下尤勞焉此為戒勞與富音義兩施互取

焉呂氏曰勤勞者立身為善之本不勤不勞萬

事不舉太公金匱書履曰行必慮正無懷僥倖

觴豆之銘曰食自杖食自杖戒之憍憍則逃

一作居也

盧氏曰無求醉飽自杖而已太公陰謀觴銘曰

樂極則悲沈湎致非社稷為危

戶之銘曰夫名難得而易失無懃弗志而曰我知之

乎無懃弗及而曰我杖之乎

一作杖

盧氏曰志識也杖立不能懃其驚怠而自謂杖成

功無可就故終失其名也



擾阻以泥之一無必若風將至必先搖搖雖有聖人不能為謀也字也

盧氏曰搖搖無所託言有風則先困論人行亦然

朱氏曰無勲弗志至擾阻以泥之皆所未詳要

必有害於戶者若風將至此謂戶不固閉而動搖

也太公金匱門之書曰敬遇賓客貴賤無二戶

之書曰出畏之入懼之鑄之書曰昏謹守深察訛

牖之銘曰隨天之時以池之財敬祀皇天敬以先時

時地之財

盧氏曰時住也財貝也一作先祭時而敬齊朱

或謂

氏曰牖下齊祭之處也詩傳室前東戶西牖也

真氏曰天實生時地實生財而君用之敢昧自

來祀以報本亦必先時匪物是貴敬以將之齊明

威服對越上帝於牖為銘朝夕是戒公金匱

之書曰闕望審且念所得可思所忘

劍之銘曰帶之以為服動必行德行德則興倍德則

崩倍與背同音佩

盧氏曰以順誅也真氏曰以傾壞也劍之為服

以示威武然德實威本威廼德輔惟德是行無思

不服一於用威祇取顛覆額額獨夫所寶者劍終

日燭千古之鑑太公金匱書劍曰常以服兵

而行道德行則福廢則覆

弓之銘曰屈申之義廢興之行一作廢無忘自過

愚謂屈申之義以弓言廢興之行以身言脩身在

知其過

矛之銘曰造矛造矛少間弗忍終身之羞予一人所

聞以戒後世子孫

盧氏曰重言造矛見造矛之不易也言少間之不

忍則為終身羞以君子於殺之中禮恕存焉貽厥

孫謀以燕翼子武王之詩也真氏曰少間謂頻

或謂

更也兵者凶器聖人所重苟非拯民其忍輕用一

矛之造謹之戒之況於兵瑞一啓伏尸而流血

千里戕生靈之命奸天地之和者皆斯須不忍實

為之寧王以此戒其子孫萬世人主可違斯言

太公金匱書鋒曰忍之須臾乃全汝軀書刀曰刀

利體體無為汝開

朱氏曰此本大戴禮然多闕衍舛誤姑存其舊

洪氏曰武王銘諸物不曰視爾所代則曰溺不可

救不曰其禍崇大則曰社稷為危何其辭之嚴也

堯舜性之也湯武身之也身之則寧過於檢防



延年性之之域也 莫氏曰湯武學而知之湯之  
學於伊尹武王之問洪範問丹書即格物致知之  
事湯之不遜聲色不殖貨利以義制事以禮制心  
銘盤以自警武王於戶牖楹席觴豆弓矛亦各有  
銘皆誠意正心之事也 黃氏曰觀禮書得此銘  
以鑒小人之影去道遠矣乃書於坐之左右以為  
息黷補劓之方 周氏曰武王畏聖人之言傳之  
如此其敬後人安得不畏乎  
太公陰謀筆之書曰毫毛茂茂陷水可脫陷文不活  
筆之書曰馬不可極民不可劇馬極則躓民劇則敗

卷

十一

太公金匱冠銘曰寵以著首將身不正遺為德終  
書車曰自致者急載人者緩取欲無度自致而反硯  
之書曰石墨相著而黑邪心護言無得汚白書并曰  
原泉滑滑連早則絕取事有常賦斂有節程子曰古  
之於書蓋有義心耳

有周盛時大訓在西序河圖在東序三皇五  
帝之書外史掌之丹書蓋前聖傳心要典也  
學記正義謂赤雀所銜丹書乃尚書帝命驗  
識緯不經之言君子無取焉武王銘十有七

章蔡邕以為十八章豈有闕文與大戴禮有  
盧辯注今列于前鄭康成所引黃太史所書  
攷其文之異者又采摭諸儒之說為集解金  
匱陰謀載武王銘書附著于末至於虞箴飲  
歌見春秋內外傳夫以聖王治己養心表裏  
交正如此況學者可不勉與有能左右觀省  
朝夕習復若衛武公日誦抑戒之詩無有師  
保如臨父母庶其寡過矣乎因書以自儆柔  
兆淹茂歲孟陬王伯厚父謹識

卷

十一

踐阼篇集解